

भवन्ति । सवि॒तृप्र॒सूत ए॒वैन॑मिच्छति । ई॒श्वरो॒ वा अ॒श्वः  
प्रमु॑क्तः परां॑ पराव॒तं गन्तोः॑ । यत्सा॒यं धृती॑र्जु॒होति॑ ।  
अ॒श्वस्य॒ यत्यै॒ धृत्यै॑ ॥ २ ॥

यत्प्रा॒तरिष्टि॑भि॒र्यज॑ते । अ॒श्वमे॒व तद॑न्विच्छति । य-  
त्सा॒यं धृती॑र्जु॒होति॑ । अ॒श्वस्यै॒व यत्यै॒ धृत्यै॑ । तस्मा॑त्सा॒यं  
पू॒जाः क्षे॒म्या भव॑न्ति । यत् प्रा॒तरिष्टि॑भि॒र्यज॑ते । अ॒श्व-  
मे॒व तद॑न्विच्छति । तस्मा॑द्दि॒वा नष्टै॒ष ए॒ति । यत् प्रा॒त-  
रिष्टि॑भि॒र्यज॑ते सा॒यं धृती॑र्जु॒होति॑ । अ॒होरा॒त्राभ्यामे॒-  
वैन॑मन्विच्छति ॥ अथो॑ अ॒होरा॒त्राभ्यामे॒वास्मै॑ योगक्षे॒मं  
क॑ल्पयति ॥ ३ ॥

भवन्ति॒ धृत्या॑ ए॒नम॑न्विच्छत्येक॑ञ्च ॥ अनु० १३ ॥

चतुर्दशोऽनुवाकः ।

अप॒ वा ए॒तस्मा॑च्छी रा॒ष्ट्रं क्रा॑मति । योऽश्व॑मे॒धेन॒-  
यज॑ते । ब्रा॒ह्म॒णौ वी॑णागा॒थिनौ॑ गायतः । श्रि॒या वा  
ए॒तद्रू॒पम् । यद्वी॑णा । श्रि॒यमे॒वास्मिन्॑ तद्व॒त्तः । य॒दा  
ख॒लु वै पु॑रु॒षः श्रि॒यम॑श्नुते । वी॑णा॒स्मै वा॒द्यते॑ । तदा॑हुः ।  
यदु॒भौ ब्रा॒ह्म॒णौ गा॒येता॑म् ॥ १ ॥

पु॒त्रः शु॒कास्मा॑च्छीः स्यात् । न वै ब्रा॒ह्म॒णे श्री॑र॒मत॒